

# INUIT ATAQATIGIIT INATSISARTUNI



6. december 2021

Inatsisartut Suleriaasianni § 37, imm. 1 naapertorlugu Naalakkersuisunut ima apeqquteqarpunga.

## **Naalakkersuisunut apeqqutit:**

- 1. Siunissami Ittoqqortoormiit eqqaanni qaleralinniarnep ineriartortinnissaanut suliniutitut, Tasiilap eqqaani kitaanilu qaleralinniaqataaneq Ittoqqortoormiini piniartunut inuusuttunullu aalisariaatsimik tassannga ilinniartitsinissamut periarfissatut isigineqarpa?**
- 2. Maannangaaq Tunup avannarpasissuani Ittoqqortoormiit eqqaanni aalisarnermik ineriartortitsineq siuarsarniarlugu umiarsuarmik tunitsivilisoqarsinnaaneramik misissuinissamik pilersaaruteqartoqarpa?**

(Hans Aronsen, Inuit Ataqatigiit)

## **Tungavilersuut:**

Ukiut 1900-kut naalerneranni Tasiilap eqqaani kitaanit aalisartut misileraallutik aalisarnerannik suliniutip, sinerissap qanittuani qaleralinniarnep inuusutissarsionermut tungavissiisinnaasoq takutippaa.

Maannalu inuit attaveqatigiittarfiisigut nuannaarluta piffimmi aalisartut siuariartornerat, kiisalu kitaani aalisartutulli ullormut pisaqartarnerat malinnaaffigisinnaavarput.

Piffimmeersumik suleqateqarninni ningittagarsornermik aalisarfimminnillu annertuumik ilisimaarinninnerat paasivara. Ukiukkut aasakkullu aalisariaatsit ilikkarnissaannut aalisartunik misilittagalinnik aalisaqateqarsinnaanermut periarfissaqarnissaq pisariaqarpoq.

Ittoqqortoormiit sikusartumiimmata aasakkullu imaasarlutik, siunissami qaleralinniarnep periarfissagissaarpoq. Taakku kitaata avannaani aalisaqataanikkut taamatut aalisarnermi periutsinik ilisimasamik ineriartortitsisinnaanerak qularinngilara.

# INUIT ATAQATIGIIT INATSISARTUNI



Tamanna malitseqartillugu angallammik minnerusumik Ittoqqortoormiit eqqaanni qaleralinnik aalisakkanillu allanik tunitsivisiusinnaasumik inissiillunilu piareersaasiorlunilu pilersaarusiornikkut iluatsittoqarsinnaanera qularinngilara.